

Gran apertura di Compleho Deportivo Guillermo Trinidad

ORANJESTAD-Ayer merdia den sala di reunion di stadion nobo a tuma lugar un conferencia di prensa p'asina duna mas detalles riba e apertura di e stadion, cu lo ta Diasabra dia 24 di April venidero, e proyecto di e stadio mes y introduccion di un producto nobo di Fundacion Lotto pa Deporte, esta Bingo Instantaneo. Sr. Kenny Thijsen a hiba palabra y a iniciá durando tur detayes di cuanto placa e stadion nobo aki a costa.

Sr. Thijsen a iniciá bisando cu despues cu e stadion Wilhelmina a cuminsá deteriorá tabatin dos pensamiento

esta di bashé abao completamente y traha uno completamente nobo of renobá esaki.

Na 1990 Gobierno, cu a bira doño di e facilidad aki, a optá pa renobá e stadion.

Primeramente intencion di Gobierno tabata pa asercá Hulanda pa financí e renobacion aki, mientras cu prioridad a wordo poné ariba pa iluminá e stadion p'asina facilitá esnan cu kier practicá durante oranan di anochi.

Despues Fundacion Lotto pa Deporte, cu introduccion di "Instant Lottery" na 1991, a dicidí cu lo mester haci algo, esta di haci un aporte mas grande pa cu comunidad, y enconecion cu esaki e fundacion a dicidí di financí e

promé fase di e proyecto di iluminacion di canchanan deportivo. Akinan canchanan manera di Wilhelmina Stadion, Sport Centrum Noord, Sport Boys, Estrella y Undesa.

Na promé instante no tabatin mucho movecion di parti Hulanda pa loke ta e proyecto renobacion di stadion. Pues asina dia shete di Juli, 1991 durante e apertura di e campeonato di tennis, TIHTA, Fundacion Lotto pa Deporte a lanza, den un forma informal, su idea na e Ministernan cu tabata presente, esta Min. Hendrick Croes y Min. Nelson Oduber con pa renobá e stadion y tambe hacié uno multifuncional y alavez e forma con pa financí esaki. Cu tempo Gobierno a sostené e idea aki y por bisa cu cos a cuminsá lora.

DOW a traha riba e planan y diseño. Tabatin discusionnan cu diferente federacionnan e.o. ASU, AVB y Atletiek Bond. Finalmente Fundacion Lotto pa Deporte a duna e federacionnan aki e proyecto. Dia 22 di November a firma un contrato cu e contratista, Bohama Aruba N.V.

Na final di 1991 tabatin e "groundbreaking" y cuminsamento di 1992 a iniciá cu e construcionnan y a iniciá cu Aruba Entertainment Center.

Durante e periodo di construcion, Fundacion Lotto pa Deporte mester a asercá Gobierno ya cu e costo pa in-

stalá e cancha di futbol y e cancha di atletismo lo surpassá e presupuesto financiero di e fundacion. E fundacion a sugerí Min. Hendrik Croes pa asercá Hulanda toch pa financí e parti di e proyecto aki for di e fondo di desaroyo cu no a bin ta haci mucho uso di dje.

Na cuminsamento di 1993 a iniciá cu e proyecto di ponemento di yerba artificial y e pista di atletismo. E proyecto aki a wordo desaroyá y supervizá pa Nederlandse Sport Federatie afdeling sport accommodatie, mientras cu e proyecto mes a wordo realizá pa KWS. E resultado ta conocí ya cu tanto e pista como e cancha mes a keda masha bunita. Un trabao grandi mester a wordo hací riba e terreno ya cu mester a nivelá e terreno, mester a pone kilometernan di pipanan di dreñahe, mester a pone asfalt pa e pista di atletismo, etc.

E espectativanan tabata pa por a haci apertura di e stadion aki na finales di 1993. Lástimamente a surgi un inconveniencia pa locual ta trata e estacionamento pasobra pa haci e apertura e stadion nobo mester tin un estacionamento.

Total e proyecto a costa ocho miyon Florin, esta e gasto di iluminacion cu tabata 450 mil Florin, e tribunanan 232 mil Florin, e estacionamento 1.1 miyon Florin, e cancha di futbol y e cancha di atletismo a costa 3.228.000 Florin, e gastonan mes di

renobacion y reconstruccion a costa 2.705.000 Florin pa inventario di un gym lo costa 125 mil Florin, materialnan pa atletismo 100 mil Florin y inventarionan pa oficina lo costa 60 mil Florin. E financiamiento di parti Hulanda tabata di 3.1 miyon Florin Fundacion Lotto pa Deporte ta responsabel pa 4.9 miyon Florin. Gobierno a tuma na su encargo e construcion di e estacionamento y cu esaki ta un facilidad público.

E stadion nobo ta conta cu un pista di atletismo, un cancha di futbol di yerba artificial y un gym moderno, cu ya henter su inventario a wordo bestel caba y lo yega aki seis siman. Tambe tin dos sala grandi di reunion completamente equipá y un sala mas chiquito. Tambe tin 13 oficina pa e diferente federacionnan deportivo, mientras cu bao di e tribunanan lo tin facilidadnan pa file documento di e federacionnan. Henter e maneho di e stadion lo ta den man di Fundacion Lotto pa Deporte y esaki lo sosodé riba cuenta di e doño, esta Gobierno. Esaki kiermen cu tur gastonan di mantencion lo corre riba gastonan di Gobierno.

Pues mirando e stadion con esaki a keda, mester bisa cu Aruba por ta orguyoso di tin un stadion asina bunita cu tur facilidad pa practicá futbol y atletismo y awor cu un gym lo wordo instalá den esaki. □

No cumpra un pieza di
equipo mas pa bo negoshi
te ora cu bo papia cu
Caribbean Mercantile Credit Co.

E proximo biaha cu bo negoshi tin mester di un pieza di equipo nobo, di un computer pa un forklift, considera un lease di Caribbean Mercantile Credit. No importa e grandura di bo negoshi, no importa e tamaño di bo necesidad, nos por yudabo haña e solucion mas efectivo.



**Caribbean Mercantile
Credit Company N.V.**

L.G. Smith Blvd. 116 • Tel. 37511 - 21873
Noord Tel. 60200 • San Nicolas Tel. 46804

Y esey ta loke bo mester spera for di hendenan cu ta specialisa den financiamiento...esey ta nos negoshi.

Yama 37511 of 21873
pa mas informacion
tocante lease
di equipo.



Gerber

**Baby
Food**



2nd Foods (Strained)

	Regular:	Special:
	1.08	0.97
4-pack:	4.31	3.88

Oferta ta valido april 1994